

SAMÞYKKT

um hundahald á Suðureyri.

1. gr.

Hundahald er bannað í Suðureyrarhreppi.

2. gr.

Sveitarstjórn er heimilt að veita lögráða einstaklingum, sem búa í Suðureyrarhreppi, undanþágu frá 1. gr., og þar með leyfi til hundahalds með eftirfarandi skilyrðum:

- a) Leyfi er bundið við nafn og heimilisfang lögráða einstaklinga og óheimilt er að framselja það.
- b) Ef sótt er um leyfi til að halda hund í sambýlishúsi, skal skriflegt samþykki sameigenda/stjórnar húsfélags sambýlishússins fylgja umsókninni.
- c) Leyfisgjald vegna undanþágu skal greiða til sveitarsjóðs Suðureyrarhrepps og setur sveitarstjórn árlega gjaldskrá, sem heilbrigðismálaráðherra staðfestir. Gjaldið skal greitt í fyrsta sinn við skráningu hundsins og síðan árlega með gjalddaga 1. júní. Hafi gjaldið eigi verið greitt innan mánaðar frá gjalddaga fellur leyfið úr gildi.
- d) Hundeigandi skal hafa hund sinn ábyrgðartryggðan hjá viðurkenndu váttryggingarfélagi. Váttryggingin skal ná til þess tjóns, sem hundur kann að valda á mönnum, dýrum, og munum. Lágmarkstrygging verði kr. 10 000 000,00.
- e) Hundurinn skal ávallt bera ól með plötu um hálsinn. Á plötuna skal greypt skráningarnúmer hundsins.
- f) Hundurinn skal aldrei ganga laus á almannafæri, heldur vera í taumi í fylgd með aðila sem hefur fullt vald yfir honum. Hundeigendum er skylt að sjá svo um, að hundar raski ekki ró manna með gelti eða verði mönnum til óþæginda á annan hátt. Eigi er leyfilegt að fara með hunda inn í skóla, sjúkrastofnanir, almennar skrifstofur, samkomuhús eða verslanir, svo og starfsstöðvar, hverju nafni sem þær nefnast, þar sem úrvinnsla, meðferð eða geymsla matvæla á sér stað. Hundeigendum ber að viðhafa hreinlæti í meðferð hunda sinna, þar á meðal að þrifa eftir þá.
- g) Við greiðslu leyfisgjalda ber hundeiganda að sýna fullgild skilríki fyrir greiðslu váttryggingargjalds, vottorð dýralæknis um að hundurinn sé ekki haldinn smitandi sjúkdómi og hafi verið hreinsaður af bandormum, svo og önnur skilríki sem máli skipta, samkvæmt lögum um hundahald og varnir gegn sullaveiki og fyrirmælum sem sveitarstjórn setur varðandi hundahald.

3. gr.

Hundaeftirlitsmaður skal vera starfandi í Suðureyrarhreppi og skal hann starfa í nánum tengslum við heilbrigðisnefnd. Skal hann gefa sveitarstjórn og heilbrigðisnefnd árlega skýrslu um hundahald í Suðureyrarhreppi og starf sitt vegna þess. Kvörtunum vegna hundahalds skal komið til hundaeftirlitsmanns sem gerir heilbrigðisnefnd eða sveitarstjórn grein fyrir þeim.

4. gr.

Ef leyfishafi brýtur alvarlega eða ítrekað gegn ákvæðum samþykktar þessarar eða öðrum reglum, sem um hundahald gilda, afturkallast leyfið. Einnig getur sveitarstjórn afturkallað öll leyfi til hundahalds telji hún þess brýna þörf. Við fyrsta brot, ef lítilvægt er, skal að jafnaði veita leyfishafa áminningu.

5. gr.

Peir hundar sem ekki er leyfi til að halda, eða hundar sem ganga lausir utanhúss, skulu handsamaðir. Kostnaður við töku og geymslu hunda, skal að fullu greiddur af eigendum. Hættulegum hundum er heimilt að lóga þegar í stað, að höfðu samráði við héraðsdýralækni. Aðra hunda er heimilt að afhenda, ef leyfi er framvísað innan 7 daga frá því að hundurinn kom í vörslu hundaeftirlitsmanns, enda hafi verið greitt sérstakt handsömungjald sem sveitarstjórn ákveður í gjaldskrá. Að öðrum kosti skal hundurinn aflífaður.

6. gr.

Samþykkt þessi nær ekki til smalahunda á lögbýlum innan Suðureyrarhrepps.

7. gr.

Ofangreind samþykkt Suðureyrarhrepps staðfestist hér með samkvæmt 22. gr. laga nr. 81/1988, um hollustuhætti og heilbrigðiseftirlit, sbr. 1. gr. laga nr. 7/1953, um hundahald og varnir gegn sullaveiki, til þess að öðlast gildi þegar við birtingu.

Heilbrigðis- og tryggingamálaráðuneytið, 17. júlí 1989.

Guðmundur Bjarnason.

Ingimar Sigurðsson.

AUGLÝSING

um staðfestingu sjávarútvegsráðuneytisins á verðgrundvelli fyrir frystan hörpuðisk á framleiðslutímabilinu 15. júlí til 30. september 1989.

Með skírskotun til laga nr. 72 28. maí 1969, um Verðjöfnunarsjóð fiskiðnaðarins og samkvæmt tillögum stjórnar Verðjöfnunarsjóðs, hefur ráðuneytið staðfest eftirfarandi verðgrundvöll fyrir frystan hörpuðisk á framleiðslutímabilinu 15. júlí til 30. september 1989:

Laus- og blokkfrystur hörpuðiskur	SDR pr. lb. cif.
Færri en 60 stk. í lb.	2,90
Fleiri en 60 stk. í lb. og óflokkað	2,69
Hálfhreinsaður	1,32
Rauður og brotinn	1,63

Verðbil verður 5%.

Greiðslur í eða úr sjóðnum nema 50% af verðbreytingu frá grundvallarverði að viðbættu eða frádrögnu verðbili.

Verðið miðast við viðskiptagengi (skilagengi) eins og það verður á hverjum tíma.

Sjávarútvegsráðuneytið, 26. júlí 1989.

F. h. r.

Jón B. Jónasson.

Kristín Magnússon.